



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCXVI. ad annum MCCCCXXIII.

**Parisiis, 1644**

XIV. De iure patronatus.

**urn:nbn:de:hbz:466:1-15653**

90 IOANNES CONCILIVM LUDOVICVS BAVARVS IMP.  
P. XX. ALPHONSVS XI. R. CASTELLÆ.

ANNO  
CHRISTI  
1522.

bite obseruetur , & ad hoc rectores ipsi per ordinarios compellantur.

X I V .

Ambitionis improbae & cupiditatis peruersae studium , per quod ad beneficia nondum vacantia via damnabiliter aperitur , refecare & præcludere affectantes , statuimus ut nulli ecclesiarum patroni ad ecclesiæ , in quibus ius patronatus obtinent , antequam vacent , cuiquam præsentationes concedant : quas si forte concederint , eo ipso irritæ sint penitus & inanes. Clerici vero qui huiusmodi literas præsentationis impetrant , vel pro quibus ipsis scientibus vel consentientibus ab alio impetrantur , ad ecclesiæ ipsas obtinendas in ipsa vacatione redundantur inhabiles ipso facto.

Nonnulli ecclesiarum patroni pueros infantes , & alios in ecclesiæ , in quibus ius patronatus obtinent , & in aliis violenter intrudunt contra Canonum instituta , ecclesiarum ipsarum redditus sæpius usurpantes. Cum igitur intrusiones & detensiones prædictæ sacris sint Canonibus inimicæ , statuimus ut nullus deinceps excessus tam damnabiles attentare præsumat : alioquin contrarium facientes ipso facto sententiam excommunicationis incurvant , & quo usque ecclesiæ & prælato satisfecerint , nullatenus absoluantur. Prælati vero in suis ecclesiæ denuntiari excommunicatos nominatim faciant talia committentes. Si autem prælati in denuntiatione huiusmodi post duos menses , postquam ad eorum notitiam peruerterit , negligentes fuerint , aut tales intrusos in eisdem ecclesiæ instituerint , a col-

ANNO  
CHRISTI  
1522.

latione beneficiorum per sex menses nouerint se suspensos : intrusi & minores quidem si postquam ad ætatem discretionis peruerterint, maiores autem ex quo dictæ intrusioni consenserint, tale beneficium scienter detinere præsumperint, eo ipso per biennium reddantur inhabiles ad ecclesiasticum beneficium obtainendum.

Cum ad ecclesias, in quibus diuersi tale ius obtinent patronatus, plures clerci ab eisdem patronis in discordia præsentantur, saepè contigit, quod aliqui ex clericis præsentatis cessiones sibi fieri procurant ab aliis ad eamdem ecclesiam taliter præsentatis, credentes ex huiusmodi cessionibus ius sibi accrescere ad ipsam ecclesiam obtainendam. Nos itaque cessiones huiusmodi fieri prohibentes, decernimus ex eis nihil iuris accrescere ipsis clericis procurantibus sibi fieri huiusmodi cessiones, & nihilo minus ea vacatione & vice ipso facto reddantur inhabiles ad id beneficium obtainendum.

Filiis ac nepotibus eorum qui in ecclesiis ius obtinent patronatus, de iure non licet rectores ecclesiarum ipsarum indebitis prandiis & exactiōibus aggrauare. Quia vero quamplures patronorum, ut relatione certa didicimus, [dictos rectores] plura & immoderata prandia ab ipsis rectoribus extorquent; Nos talium excessus reprimere volentes, statuimus ut patroni ecclesiarum exactiōes huiusmodi deinceps facere non præsumant. Vbi autem dicti patroni prandium se habere afferunt de consuetudine, non possit sine scandalo remoueri, statuimus ut eo casu descendentes ab uno patrono, vel

pluribus, seu omnibus, si ad hoc omnes simul conuenire voluerint, cum moderata familia, cum quanta vnum pater eorum recipere consueuit, vnum prandium a rectore ecclesiæ recipient, iuxta facultates ecclesiæ moderatum: alioquin prandium ipsum per episcopum in certa quantitate pecuniæ æstimetur, quæ pecunia inter patronos omnes prædictos per episcopum vel alium de eius mandato diuidatur. Si quis vero patronorum contra statutum huiusmodi venire præsumperit, tamdiu iure præsentandi careat, donec rectori ipsi, aut successori eiusdem satisfecerit competenter, apud alios remanente, qui in obseruantia statuti huiusmodi minime deliquerit.

X V.

Sacri confectio chrismatis solis episcopis eorumque superioribus est concessa, & ab eis est annis singulis celebranda, a quibus etiam omnes ecclesiarum rectores in suis dioecesibus constituti nouum chrisma, iuxta præcepta Canonum, debent recipere, & concremato veteri, novo vti. Quia vero in obseruantia dictorum Canonum plerique se exhibent negligentes, statuimus ut clerici religiosi, & alii exempti & non exempti annis singulis chrisma nouum a suo dioecesano episcopo, vel ab eo qui ex officio suo tenetur illud distribuere, postulent & requirant: alioquin vtentes veteri chrismate in baptismo, ipso facto per sex menses a perceptione beneficij; negligentes vero in petendo, per tres menses, ab officio sint suspensi, exemptorum priuilegiis quæ circa hoc obtinent, \* super saluis.

\* f. sem-  
per